

Arkiv: <arkivID><jplD> FA-
NO
JournalpostID:
Saksbehandlar:
Dato: 04.10.2020

Saksframlegg

Saksnr.	Utvalg	Møtedato
068/20	Utval for næringutvikling og drift	14.10.2020
119/20	Alver kommunestyre	29.10.2020

Temaplan veg- og infrastruktur

Rådmannen sitt framlegg til vedtak:

Kommunestyret godkjenner temaplan for veg og infrastruktur for perioden 2021-2022. Temaplanen samanstiller og vidarefører tilsvarande planar godkjent kvar for seg av dei tidlegare kommunestyra, og erstatter desse.

Årlege handlingsplanar med prioritering av tiltak skal følgje rammene i vedtatt årsbudsjett.

Politisk handsaming

Saka skal til innstilling i Utval for næringsutvikling og drift

Saka skal avgjerast av Kommunestyret

Bakgrunn

Planstrategien for Alver kommune vart godkjent av kommunestyret i møte 14.05.2020. Den byggjer m.a. på at plansystemet skal vere eit godt grunnlag for politisk styring og administrativ oppfølging, med god forankring frå overordna planar til gjennomføring av tiltak (handlingsplanar).

Det er ei rekkje planar og strategiar som skal gjennomførast i perioden 2020-2023. Arbeidet med kommuneplanen sin samfunnsdel er naturleg nok høgt prioritert, sidan denne legg grunnlaget for all anna planlegging i kommunen.

For teknisk sektor sin del, betyr det at nye hovudplanar innan veg, vatn, avløp, trafikksikring, eigedomsforvaltning og landbruk i hovudsak får oppstart tidlegast i andre halvår 2021.

I mellomtida er det dei tidlegare godkjente temaplanane/tiltaksplanane/hovudplanane i samanslåingskommunane som blir lagt til grunn for arbeidet innan sektoren. For å få oversikt over oppgåveområda og vidare kartlegge status og tilstandar, vurdere behov for tiltak, finne dei kritiske prioriteringane m.v., er det lagt ein strategi for å samanstille dei tidlegare godkjente planane i felles temaplanar.

Formannskapet fekk presentert denne strategien i møte 27.05.2020. Presentasjonen er samla i eit strategi- og styringsdokument for TFD for perioden 2020 – 2022. Målformuleringane i temaplanen følgjer av dette dokumentet.

Temaplanen for 2021 – 2022 har ikkje vore sendt ut på høyring, sidan den samanstiller og vidarefører allereie godkjente planar, behandla av dei tre tidlegare kommunestyra. Desse vedtaka er ikkje oppheva ved kommunesamanslåinga. Når arbeidet med ny hovudplan starter, andre halvår 2021, blir vanleg planprosess med høyringar mm følgt.

Saksopplysningar

Kartlegginga av dei kommunale vegane i 2020 syner eit vegnett som har fått eit kvalitetsløft dei siste 5 åra med mykje nye vegdekker og utbetringar av tilhøyrande konstruksjonar som bruer og kaiar. Det er framleis vegar med dårleg underbygning som krev forsterking for å bevare vegkapitalen.

Som eit ledd i klimatilpassinga har ein starta med kartlegging av vannvegar og etablering av kontrollrutinar for å vere førebudd på ekstremnedbør og flaum. Oversikt og kontroll med dette kan ha stor førebyggjande effekt og

føre til mindre skadar på vegnettet og tilgrensande områder.

Kommunen har pr i dag ikkje fullt eigarskap til veglysa langs kommunale vegar. Det er oppretta dialog med kraftselskapet om overtaking av veglysa. Kommunen vil ha sterkare styring som eigar når det gjeld fornying, drift og vedlikehald av veglysanlegga. Overgang til straumsparende LED-lys kan gje store innsparingar for kommunen.

Standardisering og effektivisering av vegforvaltninga er viktig framover. Det bør leggst til grunn ei vegnorm og standard for tilstandsstyrte tiltak i samband med fornying, vegvedlikehald og drift. Digitale verktøy som bind saman arbeidet som gjerast i vegdrifta og vegforvaltninga vert viktig for å lukkast.

Etter at temaplanen er sluttbehandla, vil det vere økonomiplan og årsbudsjett som legg rammer for kva tiltak det er mogeleg å gjennomføre. Prioriteringane vil gå fram av etterfølgjande årleg handlingsplan.

Utval for næringsutvikling og drift 14.10.2020:

Behandling:

Tenesteleiar for eigdomsforvaltning, Line Valle, orienterte og svara på spørsmål.

Utvalet vedtok rådmannen sitt framlegg til vedtak.

ND- 068/20 Vedtak:

Utval for næringsutvikling og drift kjem med følgjande innstilling i sak 068/20 - Temaplan veg og infrastruktur:

Kommunestyret godkjenner temaplan for veg og infrastruktur for perioden 2021-2022. Temaplanen samanstillar og vidarefører tilsvarande planar godkjent kvar for seg av dei tidlegare kommunestyra, og erstatter desse.

Årlege handlingsplanar med prioritering av tiltak skal følgje rammene i vedtatt årsbudsjett.

Alver kommunestyre 29.10.2020:

Behandling:

Kommunestyret vedtok samrøystes innstillinga frå Utval for næringsutvikling og drift.

KO- 119/20 Vedtak:

Kommunestyret godkjenner temaplan for veg og infrastruktur for perioden 2021-2022.

Temaplanen samanstillar og vidarefører tilsvarande planar godkjent kvar for seg av dei tidlegare kommunestyra, og erstatter desse.

Årlege handlingsplanar med prioritering av tiltak skal følgje rammene i vedtatt årsbudsjett.

Vedlegg i saken:

02.10.2020	Vedlegg 1 Frekvens for drift og vedlikeholdstiltak	1454445
02.10.2020	Vedlegg 2 Vegar med store og kritiske skadar	1454446
02.10.2020	Vedlegg 3 Foreløpig_Asfaltprogram_2020-21	1454447
02.10.2020	Vedlegg 4 Vegnorma administrative føresegner-utdrag	1454448
02.10.2020	Vedlegg 5 Bruer og kaiar	1454449
05.10.2020	Temaplan veg- og infrastruktur	1454758

